



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 6. Infamia libidinosorum.

[urn:nbn:de:hbz:466:1-48186](#)

phos in magnum luctum conuertisti. Aderat iam tempus pariendi, quo ingens ad domum pueræ confluxit multitudo Iudeorum cu-
pientium noua natinitate diu desiderata, letificari. Sed insus Deus, va-
nam spem iniquorum conuertit in fabulam, gaudium in tristitiam, expe-
ctationem in confusione. Ut enim eorum patres olim, cum Herode, de
natinitate salutifera filii Dei turbati sunt; ita & ipsi gaudere de vani-
tate in luctum desitura merebantur. Adfuit ergo tandem hora par-
tionis, & ecce, ad aliorum mulierum morem, dolores, gemitus,
clamores exaudiebantur, & prope Corybantes necessarij erant, qui
cymbala pulsarent, ne tanti pueræ eiulatus à gente Hebræa, ante
fores, & in plateis ante domum stante perciperentur. Quanquam
ij clamores vocibus Iudeorum satis confundebantur, identidem
clamantium, *Messia, Messia veni, desiderium collum aeternorum, desi-
derate cunctis gentibus.* Magna expectatio, magna illusio. Partu-
runt montes, nasceretur ridiculus mus. Nam hæc dum clamarent ma-
gnis vociferationibus, prodijt tandem infans in lucem, sed infelci-
ter; metamorphosi prorsus inopinata: non enim Messiam, sed puel-
lam peperit putata virgo; cuius spes omnes, omnis honor, gaudiū
omne in irritum ceciderunt. Riserunt Christiani Messiam femi-
nam; triumphauit vera Religio; data est in ruborem vanitas:
Mendacium futorio atramento absolutum: Iudei tantæ ignomi-
niæ impatientes, penè disrupti sunt indignatione; quorum vnu in
furorem datus arreptum pede infantem ad parietem allisit; mor-
temque infanticidio, ipse etiam meruit. Parentes, postquam puer-
peram tormentis adegerunt prodere stupratorem, penè ipsi etiam
luctu contabuerunt. Filia præ pudore, non ausa est amplius in pu-
blico comparere, omnium digitis notanda, mensis omnibus nar-
randa, omnibus seculis cantanda. Huic finem habet infamis vo-
luptas. Verè D. Hieronymus exclamat: *o quam acerbus fructus lu-
xuria, amarior felle, crudelior gladio!* foetentior hirco. Vnde in
Emblemate,

Est eruca salax, indexq[ue] libidinis bircus.

Nullum certè peccatum est magis erubescendum, nullum,
ipsa natura duce, homines magis occultare nituntur; vnde & inter
opera tenebrarum præcipue computatur; & à S. Paulo paſſiones igno-
minia appellantur, quæ ad hoc peccatum incitant. In inferno, igne

H 2

sulphu-

Andr. Alciat.

Embl. 72.

VI.

INFAMIA LI-

BIDINOSORVM,

Rom. 1, 26.

Gen. 19. 24.

sulphureo punientur luxuriosi, quia summus est fætor huius flagitij. Quod etiam ita punitum est, in hac vita, quando *Dominus pluit super Sodomam & Gomorram sulphur & ignem*. Et punitum est per passiones ignominia, in multis viris, reprehensas. Tigillimum præfatum vigilum & prætorij, inter supra concubinarum & oscula, seculis nouacula faucibus, in honestam clausisse vitam, ait Corn. Tacitus. Speusippum Philosophum de Platonis schola in adulterio turpiter periisse, refert in Apologetico Tertullianus. Ignominiosum est hoc viris, & pro fræno esse potest. Sciuit Deus muliebris sexus, in hoc vitio, fragilitatem, quare, velut frænum aliquod, aut antidotum, illis à natura adiecit maiorem quandam verecundiam, naturalem; quæ nisi esset, paucæ castæ essent. Plurimæ enim magis se continent, ne coram hominibus erubescant, quam ne Deum offendant. Vident, nihil esse contemptibilius, muliere impudica;

Eccli. 9. 10.

quippe *Omnis mulier, quæ est fornicaria, quasi stercus in via concubabitur*; nullus vult eam honestus ducere; nulla honesta matrona vult eam in domo seruare. Inter maxima conuicta est, & velut per compendium dedecus omne arguitur, si qua meretrix appellatur. Certè, iuxta Apostolum, quæcunque domina sciens ancillam suscipit, & in domo sua retinet infamem, meritò & ipsa pro infami le-

Rom. 1. 32.

na aut meretrice est habenda: *quoniam qui talia agunt, digni sunt morte: & non solum, qui ea faciunt, sed etiam qui consentiunt facientibus.* Igitur, si non culpa, saltem infamia tales debet frænare. Ad

Aristot. lib. 4.

hoc enim data est *vere cundia*, *qua est dolor quidam ac perturbatio ex malis aut præsentibus, aut futuris infamiam inferentibus proueniens*, ut

Ethic. & lib. 2. Rhet.

vult Philosophus, seu vt S. Thomas, est *timor turpitudinis exprobrabilis, qui principaliter respicit vituperium, culpam consequenter*; ad hoc

S. Thom. 2. 2.

pudicitia, qua quis verecundatur de actibus, de quibus homines magis verecundantur, & infamantur. Hanc in puellis infamiam prodit venter; vt negare non possint, quod natura testatur. Et, quamvis, vtique à corruptis, inuentæ sint vestes mulierum nouæ, in orbem distentæ, ac circa lumbos, instar abollæ, longè latéque diffluentes, & follicantes, quæ uterum iam grandem & partui proximum possunt cælare; prodit tamen certè vel ipse partus tandem claro vagitu facinus matris suæ; qui nihil aliud clamat, quam vt crimen eius accuset, quæ, si, quod professa est, fuisse, eum non perisset.

perisset. Siquidem, post verum Messiam genitum, nulla amplius virgo parit. Ploratu itaque proles ait : *in peccatis concepit me mater mea* : nec iam ab Adamo prima mea duntaxat origo, sed hæc proxima quoque me contaminauit : ita *ex ore infantium* Deus manifestat veritatem. Quanti sit pudoris hoc flagitium, testantur illæ ipsæ impurissimæ meretrices, quæ, præ pestilenti verecundia, id confiteri omittunt, ut à Confessario virgines putentur. Quas non tantum impudicas, sed etiam sacrilegas postea fuisse intelligit, quando se se veritas prodit. In sacro tribunali humiles nos esse oportet, quando autem ad inhonesta allicimur, ibi verecundos. O quam erubescunt, in extremo iudicio istæ, quæ coram uno sacerdote, non audent turpitudines suas accusare, eoque homine, & sciente humanam infirmitatem? quantus pudor, quæ infamia erit, coram toto mundo stare, & proclaimari meretricem, mendacem, sanctitatem & innocentiam fingentem, denique sacrilegam, & SS. Penitentiae & Eucharistiae violatricem! *Hominem vereris praesentem*, ait S. Ambrosius, *Dei Patris, & Fili, & Spiritus sancti non vereris praesentiam?* Quos non conscientiæ morsus sentiunt, quæ à parentibus, à famulitio, ab ipso facinoris conscio stupratore, se audiunt virgines salutari? Nonne amarissima est ironia, si te virginem vocat, qui fecit meretricem? Quanta enim laus est virginitatis, tantum dedecus est in impuritate. *Pudicitia*, inquit S. Cyprianus, *est honor corporum, ornamentum morum, sanctitas sexum, vinculum pudoris, fons castitatis, pax domus, concordia caput, &c.* Sed ut matura & in viris probata semper, & a feminis appetenda: *sic inimica eius impudicitia semper est detestanda, obscenum ludibrium reddens ministris suis, nec corporibus parentis, nec animis.* Tantam habet vitium carnis fœditatem, ut nomen turpitudinis propriè sortiatur. Omnia enim, ut S. Thomas docet, seniū & cupiditate carnali, qui nobis communis est cum bestijs, non ratione meritur. Qua de causa Aristoteles alijque Ethnici Philosophi luxuriam, inter belluina virtus enumerauerunt; & Dauid luxuriosos dixit fieri, *sicut equus & mulus, quibus non est intellectus.* S. Petrus illos comparauit *sui lota in volutabro luti*; S. Paulus eos esse asseruit, *quorum Deus venter est, & gloria in confusione ipsorum: qui terrena sapiunt.* Quorum omnis fortitudo in lumbis, & vis, in umbili- *eo ventris est.* Nihil ita homini charum est, ut honor, apposuit Deus

S. Ambros. in
Psal. 118.

S. Cyprian.
lib. de bono
pudicit.

S. Thom. 2. 2.
q. 156. a. 4.
Aristot. 7.
Ethic. c. 6.
Psal. 31. 1.

2 Petr. 2. 22.
Phil. 2. 19.
Iob. 40. 11.

libidini ignominiam, ut tantò magis ab ea abhorret, quanto minus vult honoris paci detrimentum. Est enim vitio huic adeò annexa infamia, ut ob illud Magdalena non solum à Pharisæo, sed etiam ab ipso Euangelista peccatrix appellaretur.

Luc. 7.36.

VII.

B. MARIAE
VIRGINIS NO-
MEN, REVE-
RENTIA, SO-
DALITATIS,
CASTITATIS
MOTIVVM, LI-
BIA.

Vt autem pudore tantò magis deterreantur, non tantùm nontantur impudicæ, quando vocantur *peccatrices*, sed etiam quando proprio nomine nuncupantur. Pleraque enim seminarum nomina sunt virginum nomina, aut certè non modò honestarum, sed etiam sanctorum matronarum. Quid putas tibi dici, si inhonestæ es, quando Cæcilia, Thecla, Catharina, Barbara, Vrsula, Margarita aut Martha vocaris? Hungari, reuerentiæ caussa erga Dei Matrem *Dominam suam*, nulli alteri fæminæ nomen *Maria* imponunt. Quàm indignum fuit, Iudei huius obscenissimæ filiam tantùm sibi sumere, vt, ad tegendum facinus, se fineret, pro *Messia matre*, haberet, & honorari? ita indignissimum est, te tantæ Virginis nomen ferre, & non imitari virtutem; sed scortari, mœchari. Verùm ad vos me conuerto, Mariani Sodales, quorum hodie patrona, Angelo nunziante, in Matrem Dei electa colitur, vos nolite prædictum iuuenem Clericum imitari, qui otio, ignauiae, Baccho & ventri deditus, aliud fortasse è diuinis litteris nihil sciuit, quàm vt *Isaiæ de Virgine paritura vaticinum*, in scurrilem iocum, & *ad excusandas excusationes in peccatis adhiberet*. Væ, qui se Virginis profitentur ministros, & in sordibus versantur, die ac nocte! *Virginum illa virgo est*, non meretricum, non scortatorum, non libidinosorum. Nullos magis purissima auersatur, quàm impuros; castissima quàm incestos, intemerata, quàm maculis omnibus inquinatos. A Deo, atque ex Euangelio discite, quales esse oporteat, qui eius esse in familia volunt. Ad *Angelorum Reginam & Dominam* missus est Angelus Gabriel. Qui sunt Angeli, vel Angelis pares, immo superiores? qui non nubunt, nec nubuntur; qui in carne viuunt sine carne; inter delicias sine voluptate. Hi non tantùm Angeli sunt, sed Angelis, hoc nomine, maiores; Angeli enim, quia non tentantur, non pugnant, non vincunt, nec referunt coronam suæ castitatis. Vobis magni ea virtus constat. Rogarat aliquando religiosus, Cupidine exagatus, F. Ægidium, quo sibi antidoto, aduersus hoc morbi genus, vtendum arbitraretur? *Quid, inquit ille, mi frater, quid molloſſo te incessantē*

Luc. 1.
Matth. 22.30.

Chron. S.
Francisci. 1. p.
I. 7. 6. 7.